



Broj: 11-19-11-2-1945/25
Datum: 19.08.2025.godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavki za 2025. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke policijskih kućica

1. Prihvata se prijedlog Komisije za provođenje otvorenih postupaka nabavki u postupku Javne nabavke policijskih kućica, te se Ugovor dodjeljuje ponuđaču MK ALU PLAST d.o.o. Zavidovići, prema Ponudi broj: 82/25 od 11.07.2025. godine, nakon provedene e-Aukcije po ukupnoj cijeni u iznosu od 55.100,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-1945/25 od 19.06.2025. godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke policijskih kućica, koji je proveden po Obavještenju o nabavci broj: 1412-1-1-171-3-110/25 od 20.06.2025.godine objavljenog u "Službenom glasniku BiH" broj: 39/25, dana 04.07.2025.godine.

Procijenjena vrijednost Javne nabavke policijskih kućica iznosi 58.330,00 KM bez PDV-a.

Dana 16.07.2025.godine, Komisija za provođenje otvorenih postupaka nabavki za 2025. godinu je za Javnu nabavku policijskih kućica, izvršila radnju Otvaranja ponuda o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za Javnu nabavku policijskih kućica, Komisija je utvrdila da su za navedenu nabavku u određenom krajnjem roku za dostavljanje ponuda pristigle (2) dvije ponude i to: Ponuda ponuđača NV-INVEST d.o.o. Sarajevo broj: 01-07/2025 od 07.07.2025.godine sa ponuđenom ukupnom cijenom u iznosu od 58.300,00 KM bez PDV-a i Ponuda ponuđača MK ALU PLAST d.o.o. Zavidovići broj: 82/25 od 11.07.2025.godine sa ponuđenom ukupnom cijenom u iznosu od 58.330,00 KM bez PDV-a, kao i da su ponude navedenih ponuđača formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

Obzirom da je za navedenu nabavku predviđeno provođenje e-Aukcije, Komisija se u odnosu na prihvatljive ponude pismeno obratila Sektoru za finansije i javne nabavke radi provođenja iste, te je zaprimljen Izvještaj o toku i završetku e-Aukcije broj: 1412-1-1-171/25 od 08.08.2025.godine, iz kojeg proizilazi da su prema konačnoj rang listi ponuđača koji su učestvovali u e-Aukciji, ponuđač MK ALU PLAST d.o.o. Zavidovići za Javnu nabavku policijskih kućica ponudio najnižu ukupnu cijenu u iznosu od 55.100,00 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija je predložila da se u skladu sa članom 70., ZJN BiH za Javnu nabavku policijskih kućica, donese Odluka o izboru najpovoljnijeg ponuđača i ugovor dodijeli ponuđaču MK ALU PLAST d.o.o. Zavidovići, prema Ponudi broj: 82/25 od 11.07.2025.godine, nakon provedene e-Aukcije, po ukupnoj cijeni u iznosu od 55.100,00 KM bez PDV-a, što je konstatovala u Zapisniku o pregledu i ocjeni ponuda od 05.08. i 19.08.2025.godine.

Razmatrajući prijedlog Komisije, v.d direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**V.D. DIREKTOR
(Načelnik SKP-a)
GLAVNI INSPEKTOR**

Vahidin Munjić

Dostaviti:

- Sektor za finansije i javne nabavke
- ponuđačima
- u spis